

KONTROL MOZIOA

LOIOLAKO KALE BERRIEN IZENDAPENARI BURUZKO

Itziar Iturri Arrazolak, EH Bildu udal taldeko zinegotziak, Udalbatzaren Organo Araudiko 98. artikulua oinarri, honako **KONTROL MOZIO** hau aurkezten du Udalbatzan azter dadin. Mozioa 2025eko apirilaren 10ean Lurralde Garapen eta Planifikazio Batzordean aztertutako interpelazioaren ondorioa da.

JUSTIFIKAZIOA

Apirilaren 1eko Gobernu Batzarrak Loiolako zazpi kale berriren izenak onartu zituen, komunikabide batek argitaratu zuenez “Udaleko Kaleak Izendatzeko Batzordeak zazpi kale hauen izenak aukeratu ondoren”.

Gobernu Batzar horren osteko prentsa agerraldian Alkate jaunak adierazi zuen: “Hori onartzen da berez Hirigintza Batzordean, hor bertan dagoen Ponentzia batetan, baina gaur ja Tokiko Gobernu Batzarrak onartu ditu apirileko Udalbatzarrerara eramateko eta hor ja behin betiko ezarriko dira izen horiek (...). La otra decisión que hemos tomado hoy en la Junta de Gobierno Local, que viene en sí de un debate que se produce en el seno de la Ponencia de Calles, dentro de la Comisión de Urbanismo, pero hoy ya le damos la aprobación por parte de la Junta de Gobierno Local, con vistas a que en el Pleno de abril se aprueben definitivamente, son los nombres de calles, plazas y parques de Ciudad Jardín”.

Legealdi honetan ez da Kaleak Izendatzeko Batzorderik sortu eta horren zergatia Lurralde Garapen eta Planifikazio Batzordean galdetuta Batzordeko presidenteak erantzun zuen oso urgentea zela izendapenak egitea eta denborak harrapatu zituela.

Jakin dugu izenak jarri aurretik Genero Ikuspegiko Txostena ez dela egin, eta hirian existitzen den genero-desoreka zuzentzeko irizpidea ez dela kontuan hartu, salatu izan den bezala.

Garbi gelditu da Kaleak Izendatzeko Batzordea bildu izan bazen hauek denak saihestuko zirela. Lurralde Garapenean esan genuen bezala, borondate politiko eza da gertatu dena, denbora bazegoelako batzorde hau deitu eta gauzak ondo egin ahal izateko.

Loiola auzoko Lorategi Hiriko obrak 2023ko apirilean hasi ziren eta ordudanik Udal Gobernuak bazekien hainbat kaleri izena jarri behar zitzaizela.



EH Bildu talde politikoa

Grupo político EH Bildu



Ijentea, 1 - 20003 Donostia

Tel. 943481027 eh_bildu@donostia.eus-- www.donostia.ehbildu.eus -

Gauzak horrela, behean sinatzen duen zinegotziak honako **KONTROL MOZIO** hau aurkezten du:

- Udalbatzak hertsatuki eskatzen dio Udal Gobernuari azaldu diezaiela hiritarrei orokorrean eta Emakumea eta Hiria Foroko kideei, besteak beste, zergatik ez duen genero txostenik egin kasu honetan, zergatik ez dituen jarraitu egun dauden genero-desoreka zuzentzeko udal-irizpideak eta zeintzuk izan ziren Kaleak Izendatzeko Batzordea ez deitzeko benetako arrazoiak.
- Udalbatzak hertsatuki eskatzen dio Udal Gobernuari osatu dezala Kaleak Izendatzeko Batzordea, urgentzia berriak sortu ezkerre Batzordea urgentziaz deitu ahal izan dezan.

Donostian, 2025eko apirilaren 23an

Itziar Iturri Arrazola
EH Bildu udal taldeko zinegotzia